



# ქალაქ თბილისის მუნიციპალიტეტის საპრეზიდენტო



20-90

დადგენილება № ---

“\_ 30 \_” დეკემბერი 2014 წ

## ძ. თბილისი

ქალაქ თბილისის მუნიციპალიტეტის ტერიტორიაზე ადგილობრივი გადასახადის შემოღების შესახებ

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „დ“ ქვეპუნქტის, 24-ე მუხლის პირველი პუნქტის „დ.ბ“ ქვეპუნქტის, 61-ე მუხლის მე-2 პუნქტის და 93-ე მუხლის პირველი პუნქტის; საქართველოს კანონის „საქართველოს საგადასახადო კოდექსის“ და საქართველოს კანონის „ნორმატიული აქტების შესახებ“ 25-ე მუხლის თანახმად, ქალაქ თბილისის მუნიციპალიტეტის საკრებულო ადგენს:

1. ქ. თბილისის მუნიციპალიტეტის ტერიტორიაზე შემოღებულ იქნეს ადგილობრივი გადასახადი – ქონების გადასახადი.

2. ქ. თბილისის მუნიციპალიტეტის ტერიტორიაზე დასაბეგრი ქონების გადასახადის წლიური განაკვეთი შეადგენს:

ა) რეზიდენტი საწარმოსთვის/ორგანიზაციისთვის – მის ბალანსზე ძირითად საშუალებად აღრიცხული აქტივების, დაუმონტაჟებელი მოწყობილობების, დაუმთავრებელი მშენებლობის და მის მიერ ლიზინგით გაცემული ქონების საშუალო წლიური საბალანსო ნარჩენი ღირებულების 1%-ს;

ბ) არარეზიდენტი საწარმოსთვის – საქართველოს ტერიტორიაზე არსებული ქონების - მის ბალანსზე ძირითად საშუალებად აღრიცხული აქტივების, დაუმონტაჟებელი მოწყობილობების, დაუმთავრებელი მშენებლობის და (მათ შორის, იჯარით, ქირით, უზუფრუქტით, ან სხვა ამგვარი სახის ხელშეკრულების საფუძველზე გაცემულ, საქართველოს ტერიტორიაზე არსებული ქონების) საშუალო წლიური საბალანსო ნარჩენი ღირებულების 1%-ს.

გ) სალიზინგო კომპანიისთვის ლიზინგის მთელი პერიოდის განმავლობაში მის მიერ

დასაბეგრი ქონების ლიზინგით პირველად გაცემის მომენტისთვის არსებული საბალანსო საწყისი ღირებულების 0,6 პროცენტს;

დ) ფიზიკური პირისთვის: საკუთრებაში არსებული უძრავი ქონების (მათ შორის, დაუმთავრებელი მშენებლობის, შენობა-ნაგებობების ან მათი ნაწილის), იახტების (კატარლების) თვითმფრინავების, შვეულმფრენების; არარეზიდენტისგან ლიზინგით მიღებული ქონების; ეკონომიკური საქმიანობის განხორციელების შემთხვევაში მის ბალანსზე ძირითად საშუალებად აღრიცხული აქტივების, დაუმონტაჟებელი მოწყობილობების და მის მიერ ლიზინგით გაცემული ქონების; პირის მფლობელობაში ან/და სარგებლობაში არსებული გარდაცვლილი პირის სახელზე რეგისტრირებული ქონების (გარდა იმ შემთხვევისა, როცა სარგებლობა ხორციელდება იჯარის, ქირის, უზუფრუქტის ან სხვა ამგვარი ხელშეკრულების საფუძველზე) – დასაბეგრი ქონების გადასახადის წლიური განაკვეთის ოდენობა დიფერენცირებულია გადასახადის გადამხდელის ოჯახის მიერ საგადასახადო წლის განმავლობაში მიღებული შემოსავლების მიხედვით და შეადგენს:

დ.ა) 100000 (ასი ათასი) ლარამდე შემოსავლების მქონე ოჯახებისთვის – საგადასახადო პერიოდის ბოლოსთვის დასაბეგრი ქონების საბაზრო ღირებულების 0,2%-ს;

დ.ბ) 100000 (ასი ათასი) ლარი და/ან მეტი შემოსავლების მქონე ოჯახებისთვის – საგადასახადო პერიოდის ბოლოსთვის დასაბეგრი ქონების საბაზრო ღირებულების 0,8 %-ს;

3. სასოფლო-სამეურნეო დანიშნულების მიწაზე ქონების გადასახადის წლიური განაკვეთი მიწის ერთ ჰექტარზე განისაზღვროს დანართი №1-ის შესაბამისად.

4. არასასოფლო-სამეურნეო დანიშნულების მიწაზე ქონების გადასახადი კონკრეტული მიწის ნაკვეთისთვის, მიწის ნაკვეთის ადგილმდებარეობის გათვალისწინებით, გაიანგარიშება შემდეგნაირად: გადასახადის წლიური საბაზისო განაკვეთი მრავლდება შესაბამის ტერიტორიულ კოეფიციენტზე, ამასთან:

ა) გადასახადის წლიური საბაზისო განაკვეთი განისაზღვროს ერთ კვადრატულ მეტრზე 0,24 ლარის ოდენობით;

ბ) კონკრეტული მიწის ნაკვეთისთვის არასასოფლო-სამეურნეო დანიშნულების მიწის გადასახადის წლიური განაკვეთის დადგენისას, ამ მიწის ნაკვეთის ადგილმდებარეობა განისაზღვრება „ქ. თბილისის მუნიციპალიტეტის ადმინისტრაციული ერთეულების - რაიონების საზღვრების დადგენის და შესაბამისი ღონისძიებების გატარების შესახებ“ ქალაქ

თბილისის მუნიციპალიტეტის საკრებულოს 2014 წლის 5 დეკემბერის №16-41 დადგენილებით დამტკიცებული „ქ. თბილისის მუნიციპალიტეტის ადმინისტრაციული ერთეულების -რაიონების ადმინისტრაციული საზღვრების აღწერის“ და „ქ. თბილისის მუნიციპალიტეტში დადგენილ ადმინისტრაციულ საზღვრებში არსებული ადმინისტრაციული ერთეულების - რაიონების ტერიტორიულ ერთეულებად – უბნებად დაყოფის შესახებ“ ქალაქ თბილისის მუნიციპალიტეტის საკრებულოს 2014 წლის 5 დეკემბერის №16-35 დადგენილებით დამტკიცებული „ქალაქ თბილისის მუნიციპალიტეტის ადმინისტრაციული ერთეულების - რაიონების ტერიტორიული ერთეულების-უბნების საზღვრების აღწერის“ საფუძველზე;

გ) არასასოფლო-სამეურნეო დანიშნულების კონკრეტული მიწის ნაკვეთისთვის, ადგილმდებარეობის გათვალისწინებით, ტერიტორიული კოეფიციენტი და გადასახადის წლიური განაკვეთი მიწის ერთ კვადრატულ მეტრზე განისაზღვრება №2 დანართის შესაბამისად.

5. ქონების გადასახადისგან თავისუფლდება ქ. თბილისის მუნიციპალიტეტის ტერიტორიაზე მდებარე:

ა) მრავალბინიან სახლში მცხოვრები ფიზიკური პირის თანასაკუთრებაში არსებული ფართობის პროპორციულად განსაზღვრული დაბეგვრის ობიექტი (მიწის ნაკვეთი);

ბ) საცხოვრებელ სახლებზე (გარდა მრავალბინიანი სახლებისა) მიმაგრებული მიწის ნაკვეთის სრული ფართობი;

გ) ავტოსარეხებზე მიმაგრებული მიწის ნაკვეთის სრული ფართობი (გარდა იმ ავტოფარესებისა, რომლებიც გამოიყენება ეკონომიკური საქმიანობისათვის).

6 ქალაქ თბილისის მუნიციპალიტეტის მთავრობამ უზრუნველყოს ქონების გადასახადის დაბეგვრის შინაგანი სამიზნო შესაბამისი ინფორმაციის დადგენილი წესით წარდგენა.

7. ძალადაკარგულად გამოცხადდეს „ქ. თბილისის ტერიტორიაზე ადგილობრივი გადასახადის შემოღების შესახებ“ ქ. თბილისის საკრებულოს 2011 წლის 28 იანვრის N1-9 გადაწყვეტილება;

8. დადგენილება ძალაშია ამოქმედდეს 2015 წლის 1 იანვრიდან.

საკრებულოს თავმჯდომარე

გიორგი ალიბეგაშვილი

სასოფლო-სამეურნეო დანიშნულების მიწაზე ქონების გადასახადის წლიური განაკვეთები ქ.  
თბილისის მუნიციპალიტეტში

ა) სათიბების და საძოვრებისთვის (ბუნებრივი და გაულტურებული):

განაკვეთი (ლარი/ჰა)	
სათიბები	საძოვრები
20	16

ბ) სახნავისთვის (მათ შორის: მრავალწლიანი ნარგავებით დაკავებული მიწა, საბალე, საბოსტნე) და საკარმიდამოსთვის:

დასახელება	განაკვეთი (ლარი/ჰა)
თბილისი (გარდა თბილისის დასახლებებისა (სოფლებისა))	100
. თბილისის დასახლებები (სოფლები): წავკისი, კოჯორი, ტაბახმელა, ინდისი, დიდება, კვესეთი, სამადლო, კიკეთი, ნასაფურალი, ალდაბა, დიდი ლილო, ვარკეთილი	95
. თბილისის დასახლებები (სოფლები): დიღომი, მშრალხევი, დაბა აჭესი, გლდანი, დიდგორი, ზურგოვანა, თელოვანა, ძველი ვეძისი, კარაკი, თხინვალი, სოფელ გლდანიდან ავჭალის დასახლებამდე – ბაღე ნაკვეთები, გიორგიშვილინდა – საბაღე ნაკვეთები, მუხიანის ჩმდებარე საბაღე ნაკვეთები, ხევძმარის მიმდებარე „ავშიანის“ ასახლება, ლოტკინის დასახლება – სანერგე მეურნეობა, რესის ჩმდებარე დასასლება, თბილისის ზღვის არსებული დასახლება	82

ქ. თბილისის მუნიციპალიტეტში არასასოფლო-სამურნეო დაწიშნულების კონკრეტული მიწის ნაკვეთისთვის ადგილმდებარეობის გათვალისწინებით, ტერიტორიული კოეფიციენტი და გადასახადის წლიური განაკვეთი მიწის ერთ კვადრატულ მეტრზე (ლარებში)

№	ზონა	ტერიტორიული კოეფიციენტი	1 კვ.მ მიწის წლიური განაკვეთი
1.	მთაწმინდის რაიონის „ვერა“ და „მთაწმინდა, სოლოლაკის“ უბნები გარდა „მთაწმინდა, სოლოლაკის“ უბნის საზღვრებში მოქცეული იმ ტერიტორიისა, რომელიც „იწყება კოჯრის გზატკეცილიდან, გასდევს კოჯრის გზატკეცილის ღერძულა ხაზს ოქროყანის განაშენიანებისჩრდილო-აღმოსავლეთის საზღვრამდე, შემოუვლის ოქროყანის დასახლებას მთაწმინდის პარკის საკადასტრო ერთეულის საზღვრის გადაკვეთამდე, მიუყვება მთაწმინდის პარკის საკადასტრო ერთეულის საზღვარს 850,00. ნიშნულის იზოპიფის გადაკვეთამდე და მიკავება აღნიშნულ პორიზონტალს „თბილისის ძველ ადმინისტრაციულ საზღვრამდე“. შემდეგ უსვევს მარცხნივ და მიუყვება „მთაწმინდა, სოლოლაკის“ უბნის საზღვარს საწყის წერტილამდე“	1.5	0.36
2.	„მთაწმინდა, სოლოლაკის“ უბნის საზღვრებში მოქცეული ტერიტორია, რომელიც „იწყება კოჯრის გზატკეცილიდან, გასდევს კოჯრის გზატკეცილის ღერძულა ხაზს ოქროყანის განაშენიანებისჩრდილო-აღმოსავლეთის საზღვრამდე, შემოუვლის ოქროყანის დასასლებას მთაწმინდის პარკის საკადასტრო ერთეულის საზღვრის გადაკვეთამდე, მიუყვება მთაწმინდის პარკის საკადასტრო ერთეულის საზღვარს 850,00. ნიშნულის იზოპიფის გადაკვეთამდე და მიკავება აღნიშნულ პორიზონტალს „თბილისის ძველ ადმინისტრაციულ საზღვრამდე“. შემდეგ უსვევს მარცხნივ და მიუყვება „მთაწმინდა, სოლოლაკის“ უბნის საზღვარს საწყის წერტილამდე“	1.0	0.24
3.	მთაწმინდის რაიონის „კიკეთი, კოჯორი“ და „წავისი, შინდისი, ტაბასიმელას“ უბნები	1.0	0.24
4.	ვაკის რაიონის „ვაკი, ბაგების“ უბანი	1.5	0.36
5.	ვაკის რაიონის „ნუცუბიძის მიკრორაიონები“ და „ვაჟა-ფშაველას კვარცლების“ უბნები	1.3	0.31
6.	ვაკის რაიონის „წყნეთის“ უბანი	1.0	0.24
7.	საბურთალოს რაიონის „დიდომი, ვაშლიჯვარის“ უბანი	1.15	0.28
8.	საბურთალოს რაიონის „ვემისი, ყაზბეგი, გოთუა, საბურთალო“ და „კოსტავა, ბახტონი, დოლიძე, ხილიანის“ უბნები	1.3	0.31
9.	დიდუბის რაიონი	1.3	0.31
10.	ჩუღურეთის რაიონის „ზემო ჩუღურეთის“ უბანი	1.1	0.26
11.	ჩუღურეთის რაიონის „ქვემო ჩუღურეთის“ უბანი	1.5	0.36
12.	ნაძალადევის რაიონი	1.1	0.26
13.	გლდანის რაიონი	1.1	0.26
14.	სამგრის რაიონი	1.1	0.26
15.	ისნის რაიონი	1.2	0.29
16.	კრწანისის რაიონი	1.2	0.29

შენიშვნა: წლიური განაკვეთის ოდენობა მრგვალდება მეასედამდე.

## განმარტებითი ჩარათი

„ქალაქ თბილისის მუნიციპალიტეტის ტერიტორიაზე ადგილობრივი გადასახადის შემოღების შესახებ“

ქალაქ თბილისის მუნიციპალიტეტის საკრებულოს დადგენილების პროექტის შესახებ

ა) საკრებულოს დადგენილების პროექტის მიღების მიზეზი:

საკრებულოს დადგენილების პროექტის მიღება განპირობებულია საქართველოს ორგანული კანონის „ადგილობრივი თვითმმართველობის კოდექსი“ (შემდგომში თვითმმართველობის კოდექსი) მიღებით, რომლის თანახმად, დღეს მოქმედ ადმინისტრაციულ-სამართლებრივი აქტები უნდა მოვიდეს შესაბამისობაში ახალ ადგილობრივ თვითმმართველობის კოდექსთან.

ბ) პროექტის დამახასიათებელი ძირითადი ნიშნები:

საქართველოს საგადასახადო კოდექსის მე-7 მუხლის შესაბამისად ადგილობრივი თვითმმართველობის წარმომადგენლობითი ორგანო უფლებამოსილია შემოიღოს ამ კოდექსით დაწესებული ადგილობრივი გადასახადი ადგილობრივი თვითმმართველი ერთეულის მთელ ტერიტორიაზე ერთიანი განაკვეთის სახით ან/და ამ ერთეულის ტერიტორიაზე ცალკეული დარგების ან/და საქმიანობის სახეების მიხედვით, კოდექსით დადგენილი ზღვრული განაკვეთის ფარგლებში.

წარმოდგენილი პროექტით ქალაქ თბილისის მუნიციპალიტეტის საკრებულოს მიერ ხდება ადგილობრივი გადასახადის-ქონების გადასახადის შემოღება და შესაბამისი განაკვეთების დადგენა.

გ) პროექტის საფინანსო-ეკონომიკური გაანგარიშება:

პროექტის მიღება არ გამოიწვევს აუცილებელი ხარჯების გამოყოფას ადგილობრივი თვითმმართველი ერთეულის ბიუჯეტიდან, არ მოახდენს გავლენას ადგილობრივი თვითმმართველი ერთეულის ბიუჯეტის საშემოსავლო და ხარჯვით ნაწილზე. პროექტის მიღება არ წარმოშობს სახელმწიფოს ასალ ფინანსურ ვალდებულებებსა და იგი არ მოახდენს ფინანსურ გავლენას იმ პირებზე, რომლებიც მოექცევიან ამ პროექტის რეგულირების სფეროში.

დ) პროექტის ავტორი: ქალაქ თბილისის მუნიციპალიტეტის მერია

ე) პროექტის წ. რმდგენი: ქალაქ თბილისის მუნიციპალიტეტის მერი